



सत्यमेव जयते

**GOVERNMENT OF MIZORAM**

**BUDGET SPEECH  
2018-19**

**MIZORAM LEGISLATIVE ASSEMBLY**

*a*

**PU LALSAWTA  
HON'BLE FINANCE MINISTER**

*thusawi*

*Ningani, March 15, 2018*

## **KUM 2018-2019 FINANCE MINISTER BUDGET SPEECH**

Pu Speaker,

1. I remtihnain kum 2018-19 atana Mizoram sawrkar sum hman tur ruahmanna, Budget Estimate leh kum kal mek 2017-18 atana Supplementary Demand te hi sawi ho a nih hnu a lungrual taka min pawmpui turin ka rawn pharh dawn a ni.

2. He House zahawm taka ka tel thei leh chumi a zar a mipuite tana rawngbawlna hnathawk thei a ka awm hi vannei ka inti hle a. Sawrkar kum thar, 2018-19 State Budget pharh thei tura ka lo ding thei hi, Sawrkar leh Mizoram mipui te chungah lawm thu ka sawi tak meuh meuh a ni.

3. Hun kal tawhah he House zahawm tak Member ten Sawrkar Budget leh a kaihhnawih thil tam tak hi chik tak leh uluk takin an lo en thin a. An ti takin an tui tih a hriat avangin Sawrkar aiawhin Member te chungah lawmthu ka sawi bawk a ni.

4. He sawrkar hnuaiah hian, Mizoram mipuite leh ramin hma a sawn theih nan hmalak chhoh mek zel a ni a. Ruahmanna thar tha tak tak kalpui mek a ni a. India ram State zinga State naupang ber pawl kan nih bakah, ram leilung hausakna tih tham kan neih loh avangin, kan neih chhun ang ang hmanga kan sum neih te pawh hi tangkai taka hman mek zel a ni.

5. Kan Chief Minister zahawm tak kaihhruaina leh remruatna hnuaiah kan ram sum leh pai dinhmun hian nasa takin hma a sawn a. Kan leiba leh kan GSDP khaikhinna debt-GSDP chu kum 2016-17 chhung khan 46.22% lo niin, kum 2017-18 ah phei chuan 40.87% ah

a lo tlahniam thei ta a. Kum 2018-19 chhunga kan sum mamawh phuhruk tura hmun dang aṅanga sum kan puk ngai zat tur pawh kan GSDP aṅanga chhutin, 1.14% chauh a lo ni ta a ni.

### **Budget Estimates**

6. Pu Speaker, State Budget hi sawrkar hmahlir leh ruahmannate pholangtu leh sawrkar kal chhoh zel dan tur ruangam tarlangtu a ni a. Kan ramin hma a lo sawn zel theih nan leh mitin huapzo hmasawna thlen tura sawrkar ruahmanna te pho langtu tur anih avangin a pawimawh hle a. Kum 2018-19 chhunga kan Budget Estimates tlangpui ka han tarlang ang e.

#### **I. Revenue Receipt**

7. State sawrkar sum hmuhna pui ber te chu Tax Revenue leh Non-Tax Revenue te a ni a. Kum 2018-19 chhung hian State puala Tax leh Non-Tax revenue aṅanga sum hmuh kan inbeisei zat chu ₹ 807.19 crore a ni. Kum hmasa nen a khaikhinin 16.2% a pung tura ruahman a ni. Tax Revenue aṅang hian ₹ 483.34 crore hmuh beisei a nih lain, Non-Tax Revenue aṅanga hmuh beisei zat hi ₹ 323.85 crore a ni.

8. Fourteenth Finance Commission ruahmanna anga kum 2018-19 chhunga Devolution of Taxes & Duties aṅanga sum hmuh kan inbeisei zat chu ₹ 3625.32 crore a ni a, hetah hian GST aṅanga sum kan dawn tur pawh a tel a ni. Hemi bakah hian Post Devolution Revenue Deficit Grant aṅangin ₹ 2588.00 crore hmuh beisei a ni a, State Disaster Response Fund aṅangin ₹ 18.00 crore leh thildang aṅangin ₹ 10.10 crore hmuh beisei a ni bawk. Urban Local Bodies Grant hnuaiah ₹ 27.41 crore hmuh beisei a ni a, ₹ 21.35 crore hi ULB-Basic Grant

niin, ₹ 6.06 crore hi ULB-Performance Grant hnuaia dawn tur a ni ang. ULB sum hi Municipal Corporation te hnathawh nan a hman tur a nih angin, Aizawl Municipal Corporation hnuaia ruahmanna hrang hrang hnathawh nana hman tur a ni.

9. Sawrkar laipui aṅanga ṅanpuina, Grants for States/Union Territories hnuaia Block Grants aṅangin ₹ 444.60 crore hmuh beisei a ni a, hei hian EAP te, NLCPR te, BADP te, NSAP te leh PMKSY hnuaia hmalakna tur hrang hrang te a huam a ni. Central Road Fund, RKVY leh adangte aṅangin ₹ 55.18 crore hmuh beisei a ni bawk.

10. Centrally Sponsored Scheme hnuaiah Ministry hrang hrang aṅangin ₹ 1210.99 crore hmuh beisei a nih bakah, Schemes for NEC aṅangin ₹ 122.64 crore hmuh beisei a ni. Heng CSS hna thawh nan hian sawrkar laipui leh State sawrkar ten sum inthawhṅawm a hmalak ṅhin a nih avangin, ṅul bik thilah lo chuan 90:10 aia sang chuan CSS te hi lak loh nise tih hi sawrkar duh dan a ni.

11. A chungā kan han tarlan te belhkhawmin, kum 2018-19 chhunga Revenue Receipt hnuaia kan sum hmuh tura kan han beisei chu ₹ 8909.43 crore a ni. Heng sum hmuh tura kan inbeisei zinga ULB Grant te, SDRF te leh Block Grants aṅanga sum hmuh kan beisei te hi a hmanna tur ruatlawk (tied-fund) a ni a. EAP te, NLCPR te, NEA te leh CSS aṅanga sum hmuh kan inbeisei zat chiah chiah hi kan hmu kher lo thei a ni.

## **II. Capital Receipts**

12. Capital Receipt kan tih hian State sawrkarin a hmalakna tur atana a sum puk te, sawrkar laipui aṅanga Block loans a lak te leh

State in loan a lo pekchhuah aṅanga a rullhna sum tlingkhawm te a huam a. Kum 2018-19 chhunga Capital Receipt aṅanga sum hmuh kan beisei zat chu ₹ 763.22 crore a ni a, hemi chhungah hian, Open Market Borrowings aṅangin ₹ 550.00 crore te, NABARD hnuaia RIDF loans aṅangin ₹ 150.00 crore te, NCDC aṅangin ₹ 5.97 crore te leh RBI hnuaia W&MA aṅangin ₹ 0.03 crore te beisei a ni.

### **Sum hmuhna tur langsar zualte**

13. Sawrkar laipuiin Goods and Services Tax (GST) chu July ni 1, 2017 aṅanga ram puma hman ṅan turin a tlangzarh a. Central leh State hnuaia indirect tax hrang hrang lak ṅhin te chu rawn ṅhamkhawmin, GST hnuaiah hian chhun luh a lo ni ta a. GST hnuaiah hian Central Goods & Services Tax (CGST) te, Integrated Goods & Services Tax (IGST) te leh State Goods & Services Tax (SGST) te a awm a, heng zinga SGST hi State sawrkar hnuaia khawn tur a ruahman a ni. GST kalpui anih hnu hian, Finance Ministry-in min hriattir ang chuan Central leh State sawrkar in chhiah aṅanga kan lakluh hian beisei a phalo a, sawrkar laipuiin State hrang hrang hmuh tura a beisei zat pawh kan tlin phak lo a ni. GST kalphung hrang hrang te ennawn chhoh mek zel a ni a, January ni 16 aṅang khan e-Way bill system hman turin sawrkar laipuiin a rawn chhawp chhuak a, hei hian GST hnuaia tax hrang hrang, a bik takin, IGST leh SGST ah te hian hmasawna a rawn thlen ngei a beiseiawm hle a. Tun dinhmun a kan sum lakluh te ṅha tawk vak lo in lang mahsela, hun lo la kal zel turah erawh chuan a ṅhat zawk ngei kan beisei a ni. Kum kal lai a kan dinhmun thlirin, kum 2018-19 chhunga State GST

aṭanga sum kan beisei zat chu ₹ 50.00 crore a ni a, hei aia tam a ni thei bawk.

14. State in chhiah a lakkhawm aṭanga a tam zawk hi Taxes on Sales, Trades, etc aṭanga hmuh thin a ni a. Kum 2018-19 a, hemi hnuaia sum hmuh kan beisei zat chu ₹ 307.80 crore a ni.

15. The Mizoram Liquor (Prohibition & Control) Act, 2014 hman a nih aṭangin, State Excise hnuaia kan sum hmuh hi a kum telin a pung chho ve hret hret a. Kum 2017-18 chhung hian ₹ 51.50 crore hmuh beisei a ni a, kum 2018-19 chhungin ₹ 59.40 crore hmuh beisei a ni bawk.

16. Revenue Department hnuaia Stamps & Registration Fee leh Land Reforms aṭangte leh Taxes on Income & Expenditure hnuai aṭangte in ₹ 20.70 crore leh ₹ 16.20 crore te hmuh beisei a ni bawk.

17. The Mizoram Motor Vehicles Taxation (Amendment) Act, 2015 hman ṭan anih aṭangin Transport Department hnuaia chhiah kan hmuh ṭhin chu a lo pung chho telh telh a. Taxes on Vehicles leh Other Taxes on Goods & Passengers hnuaia chhiah tlingkhawm tura kan beisei zat chu ₹ 29.24 crore a ni.

18. The Mizoram Water Supplies (Control) (Amendment) Rules, 2011 chu November ni 21, 2014 aṭanga hman ṭan niin, he dan hman ṭan anih hnu hian Water Tariff aṭanga sawrkar sum hmuh chuan pun lam pan chho tial tial in, kum 2016- 17 chhung khan ₹ 37.51 crore hmuh a ni a. Kum 2018-19 chhung a Water Supply & Sanitation hnuaia sum hmuh tura kan beisei zat chu ₹ 43.20 crore a ni.

19. Central Electricity Authority (CEA) inkaihhruiaina in a lo ruahman angin, Electric chhit man hi Power & Electricity Department hian JERC ah rawtna an thehluh thin a. Hemi avang hian electric chhit man atanga kan sum hmuh pawh a lo pung ve hret hret a ni. Heta tanga kum 2018-19 chhunga sum hmuh beisei zat chu ₹ 196.14 crore a ni.

### **III. Expenditure**

20. Pu Speaker, tunah chuan kum 2018-19 chhunga kan sum hmanna tur tlangpui ka han tarlang leh dawn a ni. Kan sum hmuh atanga sawrkarin loh theih loh a sum kan senna te chu sawrkar hnathawk hlawh te, pension hlawh atan leh leiba rulhnate hi a ni. Chutih rual chuan ram hmasawwna ruhrel siamna tur atan uluk tak leh fimkhur takin kan theih anga tam Capital Expenditure lama hmang turin ruahmanna siamin hmalak chhoh mek zel a ni bawk.

21. Revenue expenditure lam a sum hman tur a ruahman, kan Gross Revenue Expenditure hi ₹ 7181.62 crore ni tura ruahman a ni a. Revenue expenditure hian sawrkar inrelbawlina atan sum hman tur te, zirna in leh hospital enkawl nan a sum hman tur te leh sector hrang hranga sum hman tur te a huam tel a ni. Kum 2018-19 chhunga kan Net Revenue Expenditure tur hi ₹ 7179.62 crore ni tura ngaih a ni a, kan Gross Revenue Expenditure nen a a inanloh chhan hi PWD leh Printing & Stationery Department hnuaia Stock Recoveries kan neih vang a ni.

22. Kum 2018-19 chhung a State Gross Capital expenditure chu ₹ 2161.64 crore ni tura ruahman a ni a. Sum hmanna tur tlangpuite chu ram hmasawwna ruhrel (infrastructure) siamna tur te, sawrkar

leiba rulhna tur te leh sawrkar hnathawk hnena loan pekchhuah tur te a ni. Net Capital Expenditure tura ruahman zat chu ₹ 1983.38 crore a ni.

23. Tichuan, kum 2018-19 chhunga Mizoram Sorkar sum hman tur zawng zawng belhkhawm Gross Disbursement chu ₹ 9672.64 crore ni tura ruahman a ni a, kum liam ta nena khaikhinin, kan sum hman zat tura ruahman hi 9.88% in a pung dawn a ni. Net Disbursement hi ₹ 9492.38 crore ni tura ruahman a ni bawk.

### **Kum 2018-19 atana sum hmanna tur langsar zualte**

24. Sawrkar programme pawimawh tak New Economic Development Policy (NEDP) chu kum 2016-17 atang khan kalpui tan a ni a. Kum 2017-18 chhung khan NEDP hnuaiah ₹ 750.00 crore dah niin, kum 2018-19 atan hian ₹ 1000.00 crore dah a ni a. Kan hriat angin NEDP-in a thil tum lian ber pakhat chu Kuthnathawkten an eizawna nasa zawka an luhchilh a, eizawna ngelnghet an neih theihna kawng siamsak leh thar chhuah leh ranvulh lo pung chho ta chu mi tam takin Processing leh network tha tak siama eizawna puitling, Market Economy-a luhpui a, mi tam tak tana inhlawhna (employment) siamsak hi a ni. Sawrkar chu mimal leh Pawl te tlin baka an mamawh inṭawm (infrastructures) leh remchanna (facilities) lo buatsaihtu a ni ang a, mimal, Pawl leh Company te mamawh inṭawm phuhruk a tum dawn a ni. Kum 2018-19 chhunga NEDP hnuaia hnathawh tur thenkhat leh hmalakna tur dangte han tarlang ila. Kuthnathawkte an thiamna leh an sum ngahte hmanga mi tam takin kan eizawna lama kan bur char char chuan ramin Economic Growth a neih bakah kan



ṭhalai, tih tur mumal nei lova zu leh drugs lama tlu lutte venna ṭha tak a ni dawnin kan hria a ni.

25. Kum kal mek chhunga ruahtui tlak nasat avangin kan kawngpui te a chhe hle mai a. Heng kawng chhia avanga mipuiin harsatna nasa tak an tawk tih hriain, kawng ṭha zawk kan neih theihna turin PWD hnuaiah kum 2018-19 atan, Improvement of Roads hnuaiah ₹ 100.00 crore dah a ni a, heng bakah hian Improvement of Internal Roads in City/Towns atan te, Community Roads Maintenance atan te, Construction of Critical Road (Thenhlum) atan te leh Lunglei Bypass road atan te ₹ 10.00 crore ṭheuh dah a ni bawk.

26. Improvement of Aizawl City Drainage System atan PHE nena ṭangkawp a hmalakna (convergence) atan ₹ 20.00 crore ruahman a ni bawk.

27. UD&PA Department hnuaia Improvement of Urban Infrastructure in Cities and Town Schemes atan ₹ 80.00 crore dah a ni a, Aizawl Junction Improvement Scheme atan ₹ 10.00 crore te, Aizawl City Non-Motorized-Transport Master Plan Implementation atan ₹ 10.00 crore te, Thakthing a Multi Level Car Parking cum Market sakna atan ₹ 10.00 crore te, State Guest House, Government Transit Building leh Civil Services Club sakna turin ₹ 30.00 crore te leh Champhai Zotlang a Truck Terminal sakna tur atan ₹ 5.00 crore dah a ni bawk.

28. Kum 2017-18 aṭang khan NEDP hnuaiah mi changhai in leh lo neilo te khaichhuahna turin Chief Minister Rural Housing Scheme chu duan a lo ni tawh a, hemi kum hian ₹ 6.00 crore ruahman a ni a, he CM Rural Housing Scheme hnuaiah hian kumin 2018-19 a hmalak

chhonzawmna turin ₹ 10.00 crore dah leh a ni. Hemi bakah hian Rural Development Department hnuaia Rural Housing Support atan ₹ 2.00 crore dah a ni bawk.

29. Solar Power Project hi kalpui chhoh mek a ni bawk a, Vankal 20MW Mega Solar Park leh Grid Connected Rooftop SPV Plant siam hna kalpui mek a ni a, heng Solar Power Projects te hi kalpui chhoh anih zel theih nan NEDP, P&E Department hnuaiah kum 2018-19 atan ₹ 10.00 crore ruahman a ni.

30. Treasury Computerization leh a kaihnawih ruahmanna te kalpui a nih theihna turin, Integrated Financial Management Information System (IFMIS) chu Finance Department kaltlangin bulṭan a lo ni tawh a. State sum dinhmun leh sum hmanna hrang hrang te awlsam taka inenlet zung zung theihna tur leh system rintlak tak bun anih theih nan he ruahmanna hi siam a ni a. He project hi kum 2 (hnih) chhunga peih fel tur niin, kum 2018-19 atan NEDP hnuaiah ₹ 8.00 crore ruahman a ni.

31. A chung a kan han tarlan te bakah, Lunglei Circuit House sak ṭhat nan leh Mizoram Board of School Education building sak ṭhat nan NEDP aṭangin ₹ 10.00 crore ve ve ruahman a ni. Commerce and Industries hnuaiah Aizawl City Centre sakna turin ₹ 35.00 crore ruahman anih bakah Agriculture Department hnuaia Agriculture Growth Centre sakna turin NEDP aṭangin ₹ 30.00 crore ruahman a ni bawk.

32. Kan State tana chhenfakawm tak ni turin Mizoram Institute of Medical Education & Research (MIMER) chu a bul ṭan chhoh mek a ni tawh a. Kan ram in Medical Institute changlung tak kan neih theihna

turin MIMER atan ₹ 14.82 crore dah a ni a. Hemi bakah hian Referral Hospital, Falkawn (MIMER atana Base Hospital) tih changtlun chhoh zelna turin NEDP hnuaiah ₹ 20.00 crore dah a ni bawk.

33. Sawrkar flagship programme NLUP chu hlawhtling taka kal chhoh pui mek zel a ni a, beneficiaries thlan tawh ṭanpuina la pek ve loh te leh ṭanpuina pek tawh, la pek kim loh te tuam na turin kum 2018-19 chhung atan avaiin ₹ 80.00 crore dah a ni. Hemi aṭang hian NLUP-NEDP convergence atan NEDP hnuaiah ₹ 35.00 crore dah hran a ni. NEDP atana ₹ 80.00 crore dah hi mamawh dan azira tihpun theih tura ruahmanna siam theih kan beisei a ni.

34. Mizoram Road Fund Act, 2006 leh Mizoram Road Fund Rules, 2017 behchhanin State Road Fund Board kan nei a. He State Road Fund Board hnuaiah hian Road Fund Secretariat din thar a ni a. Kum 2018-19 a State Road Fund Board enkawlna hnuaiah Mizoram chhunga kan State roads te hi ṭha leh zual a enkawl a nih theih nan sawrkar chuan State Road Fund a siam thar ta a. Hemi atan hian kumthar 2018-19 chhung atan ₹ 50.00 crore dah a ni.

35. Kum 2018-19 aṭang hian kum danga la tih ngai loh Sports lama mi hmingṭha leh chawimawi tlak te chawimawi nan leh ṭanpuina tur sum ruahman a ni a. Budget Head hranpa liau liau siamin, kum thar atan hian ₹ 0.30 crore dah a ni.

36. Chutiang bawkin, Home Department hnuaia Police te tan, silai leh a mu leina turin, Budget Head hranpa siam a ni bawk a. Heng ralthuam leina tur atan hian ₹ 1.00 crore dah a ni.

37. Externally Aided Projects hnuaiah hian project 3 (pathum) kalpui mek a ni a, kum 2018-19 chhung hian Mizoram State Roads-II Regional Transport Connectivity Project (MSR II RTCP) atan ₹ 84.50 crore dah a ni a, Improvement and Upgradation of Serchhip to Buarpui Road atan ₹ 60.00 crore dah a ni. NERCCDIP hi SIPMIU hnuaia kalpui mek niin, kum 2018-19 chhung hian he project atan hian ₹ 120.04 crore dah a ni.

38. Externally Aided Project hnuaiah vek hian Mizoram sawrkar leh International Fund for Agriculture Development (IFAD) te chuan tlang ram lo neih dan tha zawk leh hlawk zawk neih theih nan leh kan ramin hma a lo sawn theihna tur project “Fostering Climate Resilient Uphill Farming System (FOCUS)” atan inremna thuthlung an ziaak a. He programme hi District 4 (pali) ah kalpui tur a ni a, chungte chu: Champhai, Kolasib, Serchhip leh Mamit te an ni. He project bul thanna atan hian kum tharah hian ₹ 13.00 crore ruahman a ni.

39. NABARD hnuaia Rural Infrastructure Development Fund (RIDF) atangin thingtlang lama hmasawanna ruhrel siam hna nasa taka thawh chhoh mek a ni a. RIDF hna hi Department 8 (pariat) in kalpui mekin, kawng siam hna te, tui in tur leh huanthlai tui pek tur lak nan te, Mini Hydel Project siam nan te leh thil dang dangah thangkai taka hman chhoh mek a ni a. RIDF-XXIII atang pheih hi chuan Department 11 (sawmpakhat) lai in he RIDF hnuaiah hian Project an kalpui chho dawn a ni. Heng project te tluang taka kal chhoh pui a nih theih nan kum 2018-19 chhung atan ₹ 150.00 crore dah a ni.

40 Sawrkar laipui atanga Centrally Sponsored Schemes (CSS) hrang hrang te tluang taka kalpui anih theih nan ₹ 150.00 crore chu State

sawrkar in kan lo do let vena tur State Matching Share (SMS) atan dah a ni bawk.

41. Service hrang hrang hnuaia sum hman tur ruahman te chu:-

*(a) Revenue Account*

(i) General Services	– ₹	2873.23 crore
(ii) Social Services	– ₹	2491.45 crore
(iii) Economic Services	– ₹	1816.94 crore

*(b) Capital Account*

(i) General Services	– ₹	954.50 crore
(ii) Social Services	– ₹	496.92 crore
(iii) Economic Services	– ₹	737.22 crore

(c) <i>Public Debt and Loans &amp; Advances</i>	– ₹	329.38 crore
---	-----	--------------

**Revenue Surplus leh Fiscal Deficit**

42. Pu Speaker, kum 2018-19 kan Budget Estimate aṅanga a lan danin Revenue Surplus kan nei leh thei dawn a, kan Revenue Surplus hi ₹ 1729.81 crore lai ni tura ngaih a ni. Kumin vek hian kan Gross Fiscal Deficit chu (-) 263.50 crore ni tura chhut a ni bawk. Kum 2018-19 (BE) leh kan GSDP projection aṅanga chhutin, kan Revenue Surplus chu 7.50 % a ni a, Fiscal Deficit hi 1.14 % a ni.

**IV. MIZORAM LEIBA DINHMUN**

43. Kum 2018-19 chhunga sawrkar leiba hrang hrang tlingkhawm zat tur chu ₹ 7887.04 crore a ni a, heng zingah hian Market Borrowings (Market Loans and Power Bonds) te, Central Government Loans te, Special Securities (NSSF) te, Financial Institutions hrang

hrang aṅanga loan te, RBI aṅanga Ways & Means Advances/Overdraft te leh Provident Fund (GPF, Insurance & Pension Fund) te a tel a ni. Sawrkar leiba hi a kum telin a pung chho telh telh a, kum 2013-14 ah ₹ 5608.38 crore niin, kum 2017-18 (BE) ah chuan ₹ 7177.99 crore ah a chho a. Hetiang a nih mek lai hian kan State GSDP nasa taka a ṅhan chhoh ve zel avangin kan State GSDP aṅanga chhut chuan kan leiba percent hi a tlahniam ve telh telh thung a, State leiba-GSDP ratio hi 2013-14 ah 54.46% a nih lain 2017-18 (BE) ah chuan 40.87% ah a lo tlahniam thei ta a ni.

## **V. Tlangkawmna**

44. Sawrkar hi mipui sawrkar a nih avangin mipui tam berte ṅhat tlanna tura hmalak zel hi kan sawrkar tum ber a ni a. Chumi avang chuan, State sawrkar sum lakluh a tam lo chungin, sawrkarin mipui te tana service a pek pawimawh zual aṅanga pawisa a lakluh ve, heng-water tariff te, power tariff te hi mipuite tana phurrit ni lo thei ang ber turin a kalpui chho zel a. Kan State eikhawp buh kan la thar theih loh avangin, National Food Security Act in a huam loh mipuite tan pawh buhfai man tlawmin pek zel rih a ni. Heng zawng zawng avang hian sawrkarin sum ṅhahnem tak a seng a, heng te hi direct a mipuite hnena pek angin lang lo mahsela, mipui te phurrit chhawkna tur atan sawrkarin subsidy a pek chhuah te a ni.

45. Pu Speaker, he sawrkar hian kan sum neih ang ang te, a ṅangkai thei ang bera hman hi a tum reng a. Ei bo bar lam a sum sen tam pumpelh a, hmasawmna ruhrel tam thei ang ber siam hi a tum reng a ni. Hemi tihlawhtling tur hian he House a member zahawm tak te leh

mawhphurtu mipui zawng zawng te thawhpuina ka ngen tak meuh a ni.

46. Pu Speaker, Member zawng zawngte hnenah tha taka min ngaihthlak avangin lawmthu ka sawi a, he House zahawm takah hian kum 2018-19 Budget Estimate chu min pawm sak turin ka rawn pharh e.

Ka lawm e.